

接相資必無怨嘆之虞尹殷輔議所時咎等國家隨其誠願許處內地須一處人送庶可疾病有無相保以生今若分處則非徒失望考其族類則率多童稚弱女只有三四壯丁內地入處後已為編氓歲月積久則安居樂業無復舊土之念雖一邑之內多置其類似無後弊傳曰領相議欲以其親切族同送于一處餘皆分別各送云若明別親疎則可矣若不明別而使之各居則不無冤悶故依右相之議爾○日暈○辛亥吏曹啓曰碧潼郡守申抱以警邊使書狀罷黜矣本曹泛令監司推考審其任而已今者更見其書狀則求免其罪警邊使所率人處公然行賂事干職污云警邊使意乃欲或遣敬差官或於上來後推考之事此書狀還入傳曰申抱因渭原官今若拿來推考則不得已並推其事于不無其弊且平安道甫經警邊使若遣敬差官則亦甚有弊令其道都事並推其事于事論于監司○日暈○壬子憲府啓曰正言尹沉不合言官請適傳曰如啓○以金麟孫為議政府右參贊徐祉為工曹判書尚震為承政院左副承旨成倫為司諫院大司諫蔡無擇為弘文館副提學○夜乾方有氣如火○癸丑上御慶會樓下觀武臣射上以雨後晴景七言律詩賞花釣魚五言律詩令入侍儒臣製進○傳于